

## 2010 nr. 101 2. júlí

### Lög um greiðslaðlögun einstaklinga

Tóku gildi 1. ágúst 2010. Breytt með l. 128/2010 (tóku gildi 19. okt. 2010), l. 135/2010 (tóku gildi 2. des. 2010), l. 162/2010 (tóku gildi 1. jan. 2011), l. 126/2011 (tóku gildi 30. sept. 2011), l. 85/2015 (tóku gildi 1. jan. 2016 nema 2. gr. og ákvæði til bráðabirgða I sem tóku gildi 24. júlí 2015) og l. 90/2018 (tóku gildi 15. júlí 2018; EES-samningurinn: XI. viðauki reglugerð 2016/679).

Ef í lögum þessum er getið um ráðherra eða ráðuneyti án þess að mállefnasvið sé tilgreint sérstaklega eða til þess vísað, er átt við félags- og barnamálaráðherra eða félagsmálaráðuneyti sem fer með lög þessi.

#### I. kaffli. Almenn ákvæði.

##### ■ 1. gr. Markmið laganna.

□ Markmið laga þessara er að gera einstaklingum í verulegum greiðsluerfiðleikum kleift að endurskipuleggja fjármál sín og koma á jafnvægi milli skulda og greiðslugetu þannig að raunhæft sé að skuldari geti staðið við skuldbindingar sínar um fyrirsjáanlega framtíð.

□ Að uppfylltum skilyrðum laga þessara er einstaklingum heimilt í kjölfar gagnaöflunar að fara þess á leit við umboðsmann skuldara að hann samþykki umsókn um heimild til að leita eftir greiðslaðlögun með samningi við kröfuhafa. Sá samningur getur bæði tekið til krafna sem tryggðar eru með veðrétti í eign skuldara og krafna sem engin slík trygging er fyrir eða einungis til krafna af öðrum hvorum meiði.

##### ■ 2. gr. Hverjar leitað geta greiðslaðlögunar.

□ Einstaklingur sem sýnir fram á að hann sé eða verði um fyrirsjáanlega framtíð ófær um að standa í skilum með fjárskuldbindingar sínar getur leitað greiðslaðlögunar í samræmi við lög þessi.

□ Einstaklingur telst ófær um að standa við fjárskuldbindingar sínar þegar ætla má að hann geti ekki eða eigi í verulegum erfiðleikum með að standa við fjárskuldbindingar sínar um fyrirséða framtíð með tilliti til eðlis skuldanna, eigna og fjárhagslegra og félagslegra aðstæðna hans að öðru leyti.

□ Hjón eða einstaklingar í óvígðri sambúð geta í sameiningu leitað greiðslaðlögunar.

□ Peir einir geta leitað greiðslaðlögunar samkvæmt lögum þessum sem eiga lögheimili og eru búsettir hér á landi. Frá þessu skilyrði má þó víkja ef:

a. sá sem leitar greiðslaðlögunar er [tímaþundið búsettur erlendis vegna náms, starfa eða veikinda og hefur áður átt lögheimili og verið búsettur hér á landi í a.m.k. þrjú ár samfleytt.],<sup>1)</sup> enda leiti hann hennar einungis vegna skuldbindinga sem stofnast hafa hér á landi við lánardrottna sem eiga hér heimili, eða

b. greiðslaðlögun er eingöngu ætlað að taka til veð-krafna sem hvíla á fasteign hér á landi, enda sé eigandi hennar [einungis tímaþundið búsettur erlendis vegna náms, starfa eða veikinda og hafi áður átt lögheimili og verið búsettur hér á landi í a.m.k. þrjú ár samfleytt].<sup>1)</sup>

<sup>1)</sup> L. 135/2010, 1. gr.

##### ■ 3. gr. Kröfur sem greiðslaðlögun tekur til.

□ Greiðslaðlögun tekur til allra annarra krafna á hendur skuldara en þeirra sem hér greinir:

a. krafna sem orðið hafa til eftir að umsókn um greiðslaðlögun hefur verið tekin til greina,

b. krafna um annað en í peningagreiðslu sem verður fullnægt eftir aðalefni sínu,

c. krafna sem nytu stöðu skv. 109., 110. eða 112. gr. laga um gjaldþrotaskipti o.fl. ef bú skuldara hefði verið tekið til gjaldþrotaskipta á þeim degi sem umsókn hans um greiðslaðlögun var tekin til greina,

d. krafna sem yrði fullnægt með skuldajöfnuði ef bú skuldara hefði verið tekið til gjaldþrotaskipta,

e. krafna að óverulegri fjárhæð sem eru sérstaklega undanþegnar áhrifum greiðslaðlögunar með því að þær greiðist að fullu,

f. físektar sem ákveðnar hafa verið með dómi eða af stjórnvaldi eða með sátt áður en umsókn um greiðslaðlögun var tekin til greina, krafna um vangoldinn virðisaukaskatt, krafna um afdregna vangoldna staðgreiðslu opinberra gjalda og krafna um skaðabætur vegna tjóns sem samkvæmt dómi hefur verið valdið með refsiverðu athæfi,

g. [krafna Láanasjóðs íslenskra námsmannna vegna námslána]<sup>1)</sup> að öðru leyti en því að ákveða má við greiðslaðlögun að afborganir af þeim og vextir falli niður á greiðslaðlögunartíma. [Almenn skuldabréf sem stofnuð eru vegna vanskila, ofgreiðslu námslána eða markaðskjaralána teljast ekki kröfur vegna námslána],<sup>1)</sup>

[h. krafna viðskiptabanka vegna tímabundinnar fyrirgreiðslu sem námsmanni er veitt vegna framfærslu á grundvelli væntanlegs láns frá Láanasjóði íslenskra námsmannna, enda hafi samhlíða verið samið um að láninu skuli ráðstafa að fullu til uppgjörs á fyrirgreiðslu viðskiptabankans. Ef umsækjandi fullnægir ekki skilyrðum láanasjóðsins um framvindu náms skal farið með fyrirgreiðslu viðskiptabanka, eða eftir atvikum þann hluta hennar sem ekki fæst greiddur með láni frá sjóðnum, sem samningskröfu og tekur greiðslaðlögun þá til kröfunnar],<sup>1)</sup>

[i.]<sup>1)</sup> uppsafnaðra skulda við opinbera aðila vegna meðlags og fer um uppsafnaða skuld samkvæmt ívílnunarúrræðum laga um Innheimustofnun sveitarfélaga, nr. 54/1971.

□ Lánardrottini skuldaraðars getur afsalað sér réttindum skv. 1. mgr. þannig að greiðslaðlögun hafi áhrif á kröfu hans, en það skal gert með skriflegri yfirlysingu sem gerð er við undirbúnung umsóknar um greiðslaðlögun eða meðan á umleitunum til hennar stendur. Binda má slíka yfirlysingu því skilyrði að hún feli því aðeins í sér endanlegt réttindaafsal að greiðslaðlögun nái fram að ganga.

□ Greiðslaðlögun leiðir til brottfalls skulda sem yrði skipað í skuldarað skv. 114. gr. laga um gjaldþrotaskipti o.fl. ef bú skuldaraðars hefði verið tekið til gjaldþrotaskipta.

□ Með greiðslaðlögun má kveða á um algera eftirgjöf einstakra krafna, hlutfallslega lækkun þeirra, gjaldfest á þeim, skilmálabreytingar, greiðslu þeirra með hlutdeild í afborganarfjárhæð sem greiðist með ákveðnu millibili á tilteknu tímaibili, breytt form á greiðslu krafna eða allt framangreint í senn.

<sup>1)</sup> L. 135/2010, 2. gr.

#### II. kaffli. Heimild til að leita greiðslaðlögunar.

##### ■ 4. gr. Umsókn um greiðslaðlögun.

□ Skuldara skal leggja umsókn um greiðslaðlögun fram hjá umboðsmanni skuldara. Í umsókninni skal koma fram:

1. Fullt nafn skuldara, kennitala hans, lögheimili og dvalarstaður ef hann er annar en lögheimili.

2. Sundurliðaðar upplýsingar um eignir skuldara.

3. Sundurliðaðar upplýsingar um fjárhæð skulda sem þegar eru gjaldfallnar, svo og fjárhæð ógjaldfallinna skulda og ábyrgða og eftir atvikum upplýsingar um afborganarkjör, gjalddaga, vexti og verðtryggingu þeirra.

4. Hverjar tekjur skuldara eru, hvort sem er af vinnu eða öðrum sökum, og upplýsingar um af hvaða samningum eða öðru tekjurnar ráðast, svo og hvort horfur séu á að breytingar verði á tekjum eða atvinnuhögum. Jafnframt skal greina hvort hann muni hafa aðra fjármuni en vinnutekjur sínar til

að greiða af skuldum, svo sem vegna sölu eigna eða fjárfram-laga annarra.

5. Hvort skuldari hafi borið ótakmarkaða ábyrgð á at-vinnustarfsemi, einn eða í félagi við aðra, og ef svo er, hve stór hluti skulda hans stafi frá atvinnurekstrinum.

6. Mat skuldara á meðaltali mánaðarlegra útgjalda sinna, þar á meðal vegna framferslu, opinberra gjalda, húsnaðis og afborgana af skuldum.

7. Mat skuldara með hliðsjón af framansögðu á því hversu háa fjárhæð hann geti greitt mánaðarlega til að standa við skuldbindingar sínar.

8. Lýsing skuldara á því hvað valdið hafi skuldastöðu hans og hvers vegna hann geti ekki eða sjái ekki fram á að geta staðið að fullu við skuldbindingar sínar.

9. Hvort einhverjar ráðstafanir hafi verið gerðar sem kynnu að vera riftanlegar við gjaldþrotaskipti á búi skuldara.

10. Hverjur kunna að vera ábyrgðarmenn skuldara, sam-skuldara eða hafa veitt veð fyrir skuldum hans og hvort hann beri sjálfur ábyrgð á skuldbindingum annarra.

11. Yfirlýsing um að umboðsmanni skuldara sé heimilt að staðreyna gefnar upplýsingar og afla nánari upplýsinga, án þess að þagnarskylda þeirra sem búa yfir slískum upplýsingum hindri það, sé talin þörf á því.

Upplýsingar skv. 1. mgr. skal einnig gefa um maka skuldara og þá sem teljast til heimilis með honum.

Umsókninni skulu fylgja gögn til staðfestingar þeim upplýsingum sem hún hefur að geyma, vottorð um hjúskapar-stöðu og fjölskyldu og síðustu fjögur skattframtíð skuldara.

Skuldari á rétt á endurgjaldslausrí aðstoð frá umboðsmanni skuldara við að semja umsókn um greiðsluaðlögun og afla gagna í samræmi við ákvæði laga þessara. Skuldari skal þó jafnan sjálfur útvega nauðsynleg gögn og koma þeim til umboðsmanns skuldara.

Umboðsmaður skuldara skal að fengnu samþykki skuldara og eftir atvikum maka skuldara og annars heimilisfólks, sbr. 2. mgr., afla nauðsynlegra gagna frá opinberum stofnunum sem og þekktum lánardrottnum. Skylt er þeim aðilum að senda umboðsmanni skuldara umbeðin gögn.

#### ■ 5. gr. Rannsóknarskylda umboðsmanns skuldara.

Umboðsmaður skuldara skal ganga úr skugga um að í umsókn skuldara komi fram allar nauðsynlegar upplýsingar og getur hann ef þörf krefur krafist þess að skuldari staðfesti upplýsingarnar með skriflegum gögnum.

Umboðsmaður skuldara skal auk þess afla frekari upplýsinga sem hann telur geta skipt málí varðandi skuldur, eignir, tekjur og framferði skuldara, áður en hann tekur ákvörðun um hvort veita skuli heimild til að leita greiðsluaðlögunar. . . .<sup>1)</sup> Ef þörf krefur er umboðsmanni skuldara heimilt að kalla skuldara eða aðra sem málid varðar á sinn fund til að afla upplýsinganna.

<sup>1)</sup> L. 90/2018, 54. gr.

#### ■ 6. gr. Aðstæður sem geta komið í veg fyrir að greiðsluaðlögun verði heimiluð.

Synja skal um heimild til greiðsluaðlögunar ef:

a. fyrirliggjandi gögn sýna ekki fram á að skuldari uppfylli skilyrði laga þessara til að leita greiðsluaðlögunar,

b. fyrirliggjandi gögn gefa ekki nægilega glögga mynd af fjárhag skuldara eða væntanlegrí þróun fjárhags hans á tíma-bili greiðsluaðlögunar,

c. aðstæður við stofnun skulda eða síðari ráðstafanir skuldara benda ótvírett til þess að hann hafi hegðað sér á óheiðarlegan hátt til þess að geta leitað greiðsluaðlögunar,

d. skuldari hefur af ráðnum hug eða með grófri vanrækslu veitt rangar eða villandi upplýsingar um aðstæður sem eru mikilsverðar í málinu,

e. skuldari hefur áður fengið samþykkta greiðsluaðlögin eða nauðsamning til greiðsluaðlögunar [á síðstu þremur árum].<sup>1)</sup> Þó er umboðsmanni skuldara heimilt að samþykka umsókn í slískum tilvikum ef sérstakar aðstæður eru fyrir hendi. [Jafnframt er heimilt að samþykka umsókn hafi einstaklingur fengið nauðsamning til greiðsluaðlögunar fyrir gildistöku laga þessara.]<sup>1)</sup>

Einnig er heimilt að synja um heimild til greiðsluaðlögunar ef óhæfilegt þykir að veita hana. Við mat á slíku skal taka sérstakt tillit til þess hvort:

a. stofnað hafi verið til meginhluta skuldanna nýlega og ekki sé um að ræða eðlilega lántoku til endurfjármögnumnar eða öflunar nauðsynlegs íbúðarhúsnæðis,

b. stofnað hafi verið til skulda á þeim tíma er skuldari var greinilega ófær um að standa við fjárhagsskuldbindingar sínar,

c. skuldari hafi hagað fjármálum sínum á verulega ámælisverðan hátt eða tekið fjárhagslega áhættu sem ekki var í samræmi við fjárhagsstöðu hans á þeim tíma sem til fjárhags-skuldbindingarinnar var stofnað,

d. skuldari hafi bakað sér skuldbindingu sem einhverju nemur miðað við fjárhag hans með hattsemi sem varðar refsingu eða skaðabótaskyldu,

e. skuldari hafi efnt til fjárfestinga sem hefðu verið rift-anlegar við gjaldþrotaskipti eða gert ráðstafanir sem hefðu verið riftanlegar,

f. skuldari hafi á ámælisverðan hátt látið undir höfuð leggjast að standa við skuldbindingar sínar eftir því sem honum var framast unnt,

g. skuldari hafi á ámælisverðan hátt stofnað til óhæflegra skuldbindinga eða skuldir hans eru þess eðlis að bersýnilega sé ósanngjarnit að heimild til greiðsluaðlögunar nái til þeirra.

<sup>1)</sup> L. 135/2010, 3. gr.

#### ■ 7. gr. Ákvörðun um greiðsluaðlögun.

Umboðsmaður skuldara skal taka ákvörðun um afgreiðslu á umsókn skuldara innan tveggja vikna frá því að hún liggur fyrir fullbúin.

Samþykki umboðsmaður skuldara umsóknina skal hann upplýsa skuldara um skyldur hans skv. 12. gr.

[Hafi umboðsmaður skuldara samþykkt umsókn um greiðsluaðlögun þegar skuldari hefur gildan nauðsamning til greiðsluaðlögunar, sbr. e-lið 1. mgr. 6. gr., fellur nauðsamningur sjálfskrafa úr gildi og skal umboðsmaður tilkynna kröfuhöfum og sýslumanní um ógildinguna].<sup>1)</sup>

Ekki er unnt að kæra ákvörðun umboðsmanns skuldara um samþykki á umsókn. Ef umboðsmaður skuldara synjar skuldara um heimild til að leita greiðsluaðlögunar getur skuldari kært þá ákvörðun til [úrskurðarnefndar velferðarmála]<sup>2)</sup> innan [tveggja vikna]<sup>1)</sup> frá því að honum berst tilkynning um ákvörðun umboðsmanns skuldara.

Skuldari getur hvenær sem er á tímabili greiðsluaðlögunar umleitana dregið umsókn sína um greiðsluaðlögun til baka og fellur þá niður greiðslufrestur skv. 11. gr. Hafi umsjónarmaður verið skipaður skal hann tilkynna þeim kröfuhöfum sem vitað er um ákvörðun skuldara um að draga umsókn til

baka. Hafi umsjónarmaður ekki verið skipaður skal umboðsmaður skuldara tilkynna um þetta.

<sup>1)</sup> L. 135/2010, 4. gr. <sup>2)</sup> L. 85/2015, 13. gr.

■ **8. gr. Tímabil greiðslaðlögunarumleitana.**

□ Með samþykki umboðsmanns skuldara á umsókn um greiðslaðlögun hefst tímabil greiðslaðlögunarumleitana og getur það orðið allt að þrír mánuðir.

**III. kaffi. Upphof greiðslaðlögunarumleitana.**

■ **9. gr. Skipun umsjónarmanns.**

□ Hafi umboðsmaður skuldara samþykkt umsókn um greiðslaðlögun skal hann þegar í stað skipa umsjónarmann með greiðslaðlögun. Umsjónarmaður getur verið starfsmáður umboðsmanns skuldara og skal hann þá hafa lokið embættisprófi eða meistaraprófi í lögfræði, en ella skal hann vera lögmaður sem umboðsmaður skuldara ræður til verksins.

■ **10. gr. Innköllun til lánardrottna.**

□ Umsjónarmaður skal tafarlaust eftir skipun sína gefa út og fá birta tvívegis í Lögbirtingablaði innköllun þar sem skorað er að þá, sem telja sig eiga kröfur á hendur skuldaranaum, að lýsa kröfum fyrir umsjónarmanni innan fjögurra vikna frá því að innköllunin birtist fyrra sinni.

□ Nú nýtur lánardrottinn veðréttar eða ábyrgðar annars aðila fyrir kröfum á hendur skuldaranaum án þess að veðið eða ábyrgðin taki til ákveðinna skuldar, og skal þá lánardrottinn tiltaka í kröfusingu hvaða skulda eigi þar undir.

□ Vanlýst krafra skal falla undir greiðslaðlögunina, en viðkomandi kröfuhafa er þá ekki heimilt að hafa afskipti af greiðslaðlögunarumleitunum.

□ Þeim kröfuhöfum sem vitað er um, þar á meðal ábyrgðarmönnum og samskuldurum skuldara, skal kunngert að greiðslaðlögunarumleitanir séu hafnar með því að umsjónarmaður sendir þeim afrit af innkölluninni. Þar skal einnig upplýst hvaða kröfur skulda hefur gefið upp að viðkomandi kröfuhafar eigi og tilkynna þeim um frestun greiðslna skv. 11. gr.

■ **11. gr. Frestun greiðslna á meðan leitað er greiðslaðlögunar.**

□ Þegar umboðsmaður skuldara hefur samþykkt umsókn hefst tímabundin frestun greiðslna, sbr. þó 3. mgr. Á meðan á frestun greiðslna stendur er lánardrottnum óheimilt að:

a. krefjast eða taka við greiðslu á kröfum sínum,

b. gjaldfella skuldir samkvæmt sammingsbundnum heimildum,

c. gera fjárnám, kyrrsetningu eða löggeymslu í eigum skuldarans eða fá þær seldar nauðungarsölu,

d. fá bú skuldarans tekið til gjaldprotaskipta,

e. neita að afhenda gegn staðgreiðslu eða viðunandi tryggingum þær vörur eða þjónustu sem skuldaði þarf að halda vegna framfærslu sinnar eða heimilismanna vegna fyri vanefnda,

f. krefjast greiðslu hjá ábyrgðarmanni skuldarans [eða ráðast í hvers konar aðgerðir til innheimtu kröfum],  
[g. ráðast í hvers konar aðgerðir til innheimtu krafna sem tryggðar eru með veði í fasteign þriðja aðila.]<sup>1)</sup>

□ Vextir falla á skuldir meðan á frestun greiðslna stendur en þeir eru ekki gjaldkræfir. Vextir af kröfum sem tryggðar eru með veði í eign sem skuldaði fær að halda gjaldfalla þó í samræmi við samninga þar um, að því marki sem veð svarar til verðmætis hinna veðsettum eignar.

□ Frestun greiðslna nær ekki til krafna sem verða til eftir að heimild til að leita greiðslaðlögunar hefur verið veitt.

□ [Sé krafra tryggð með lögveði þegar frestun greiðslna hefst skal sá tími sem frestun greiðslna er í gildi vera undanskilinn lögþundnum fyrningarfresti lögveðs.]<sup>1)</sup>

<sup>1)</sup> L. 135/2010, 5. gr.

■ **12. gr. Skyldur skuldara við greiðslaðlögun.**

□ Á meðan leitað er greiðslaðlögunar skal skuldari:

- leggja til hliðar af launum og öðrum tekjum sínum það fé sem er umfram það sem hann þarf til að sjá sér og fjölskyldu sinni farborða,

- segja upp leigusamningum og öðrum samningum um útgjöld í framtíðinni sem ekki tengjast vöru og þjónustu sem er nauðsynleg honum eða heimili hans til lífsviðurværис eða eðlilegs heimilishalds,

- ekki láta af hendi eða veðsetja eignir og verðmæti sem gagnast geta lánardrottnum sem greiðsla,

- ekki stofna til nýrra skulda eða gera aðrar ráðstafanir sem gætu skaðað hagsmuni lánardrottna [nema skuldbinding sem stofnað er til sé nauðsynleg til að sjá skuldara og fjölskyldu hans farborða].<sup>1)</sup>

□ Telji umsjónarmaður skuldara hafa brugðist skyldum sínum skv. 1. mgr. skal umsjónarmaður óska þess við umboðsmann skuldara að greiðslaðlögunarumleitanir verði felldar niður skv. 15. gr.

<sup>1)</sup> L. 135/2010, 6. gr.

■ **13. gr. Sala eigna skuldara.**

□ Umsjónarmaður getur ákveðið að selja skuli þær eignir skuldara sem umsjónarmaður telur af sanngírni og með hliðsjón af greiðslugetu og fjölskylduaðstæðum að skuldari geti verið án. Ef umsjónarmanni þykir ástæða til getur hann leitað afstöðu lánardrottna aður en slík ákvörðun er tekin.

□ Eignir skal selja með þeim hætti að tryggt sé að sem hæst verð fáist fyrir þær. Umsjónarmaður ákveður hvernig sala fer fram og annast söluna sjálfur, nema hann feli það öðrum. Er skuldara skylt að annast söluna ef umsjónarmaður ákveður það.

□ Umsjónarmaður skal gera þeim sem njóta veðréttar í eign skuldarans viðvert um ákvörðun um sölu hennar með að minnsta kosti tveggja vikna fyrirvara. Þegar fram er komið tilboð í eignina sem umsjónarmaður telur fært að taka skal hann tafarlaust kynna það fyrir þeim veðhöfum í eigninni sem ekki mundu fá fullnustu krafna sinna af söluverðinu og gefa þeim kost á að gera hærra boð eða ganga eftir atvikum inn í fram komið boð. Skulu veðhafar hafa frest í þessu skyni svo lengi sem boð er skuldbindandi fyrir tilboðsgjafa.

□ Að sölu lokinni falla niður þau veðréttindi sem ekki fíkkst greitt upp í af söluandvirðinu sé um veðsettar eignir að ræða. Umsjónarmaður skal óska eftir aftlysingu veðkrafna gegn staðfestingu umboðsmanns skuldara á að umsókn skuldara til greiðslaðlögunar hafi verið samþykkt, yfirlýsingum um að sala eignarinnar hafi verið gerð vegna greiðslaðlögunar og afriti samnings um söluna.

□ Framfylgi skuldari ekki ákvörðun umsjónarmanns skv. 1. mgr. eða komi hann með einhverjum hætti í veg fyrir fyrirhugaða sölu eigna skal umsjónarmaður óska þess við umboðsmann skuldara að greiðslaðlögunarumleitanir skuldara verði felldar niður skv. 15. gr.

■ **14. gr. Mat á eignum sem skuldari heldur eftir.**

□ Umsjónarmaður skal eftir þörfum afla mats á verðmæti þeirra eigna sem skuldara er ekki gert að selja.

□ Lánardrottinn sem ekki unir mati sem umsjónarmaður aflar getur á eigin kostnað fengið dómkvaddan man til að meta

verðmæti eignar. Sé slíkrar matsgerðar aflað skal hún ráða niðurstöðu um verðmæti eignarinnar.

**■ 15. gr. Niðurfelling greiðslaðlögunarumleitana.**

- Ef fram koma upplýsingar sem ætla má að hindri að greiðslaðlögun sé heimil á grundvelli laga þessara skal umsjónarmaður tilkynna um slíkt til umboðsmanns skuldara sem í kjölfarið tekur afstöðu til málssins með rökstuddri ákvörðun. Skuldara skal gefið tækifær til að láta alít sitt í ljós aður en slík ákvörðun er tekin. Ákvörðun umboðsmanns skuldara um niðurfellingu greiðslaðlögunarumleitana getur skuldari kært til [úrskurðarnefndar velferðarmála]<sup>1)</sup> innan [tveggja vikna]<sup>2)</sup> frá því að ákvörðunin barst honum og skal þá tímabil greiðslaðlögunarumleitana standa þar til niðurstaða [úrskurðarnefndar]<sup>1)</sup> liggur fyrir.
- Umboðsmaður skuldara skal tilkynna þekktum lánardrottnum um niðurfellingu greiðslaðlögunarumleitana.

<sup>1)</sup> L. 85/2015, 13. gr. <sup>2)</sup> L. 135/2010, 7. gr.

**IV. kaffi. Samningur um greiðslaðlögun.**

**■ 16. gr. Frumvarp til samnings um greiðslaðlögun.**

- Umsjónarmaður skal, eins fljótt og auðið er eftir að kröflýsingarfrestur er liðinn, gera frumvarp til samnings um greiðslaðlögun. Frumvarpið skal samið í samráði við skuldara.
- Í frumvarpi til samnings um greiðslaðlögun skal kveðið á um lengd greiðslaðlögunaartímabils, en það skal að jafnaði vera eitt til þrjú ár frá því að samningur tekur gildi. Tiltaka skal viðeigandi upplýsingar til að gefa heildarmynd af fjárhag og greiðslugetu skuldara, m.a. upplýsingar um tekjur, skuldír, eignir og mánaðarleg útgjöld. Þá skal fylgja listi yfir allar kröfur sem vitað er um og tillaga umsjónarmanns um hvernig farið verði með kröfurnar, í samræmi við 3. og 21. gr. Jafnframt skal tiltaka allar verðmætar eignir sem skal selja eða halda eftir og verðmæti þeirra, sbr. 13. og 14. gr. Þá skal koma fram í frumvarpinu sá frestur sem lánardrottnar hafa til að taka afstöðu til þess.

□ Frumvarp umsjónarmanns skal vera á þann veg að framfærsla skuldara og fjölskyldu hans sé tryggð og að raunhæft megi telja að öðru leyti að hann geti staðið við skuldbindingar sínar, endurskipulagt fjármál sín og komið á jafnvægi milli skulda og greiðslugetu.

□ Feli frumvarp umsjónarmanns í sér að skuldari inni af hendi reglulegar afborganir á tiltekuńum tímabili skal umsjónarmaður miða við að skuldari haldi eftir svo miklu af tekjum sínum að dugi til að sjá honum og heimilisfólk hans farborða og þeim einstaklingum sem hann hefur framfærsluskyldu við samkvæmt lögum. Skal umsjónarmaður notast við framfærsluviðmið sem umboðsmaður skuldara setur. Ef skuldari hefur rétt til umgengni við börn skal tekið tillit til eðlilegra útgjalda í tengslum við hana.

□ Afborgunarfjárhæð skv. 4. mgr. skal bundin við launavistölu eða á annan hátt við tilteknar mælingar á verðlagsbreytingum sem svara til þess hvernig skuldari hyggst afla tekna til að standa undir greiðslu hennar.

□ Ef umsjónarmaður telur það nauðsynlegt eða lánardrottinn krefst þess getur hann boðað til sérstaks fundar með þeim og skuldara til að ræða greiðslaðlöguna áður en frumvarp til samnings um greiðslaðlögun er gert. Sé ástæða til skulu einnig boðaðir á fundinn ábyrgðarmenn skuldara, samskuldarar hans og þeir sem veit hafa veð í eignum sínum til tryggingskröfu á hendur skuldaranaum.

**■ 17. gr. Samþykki samnings um greiðslaðlögun.**

- Umsjónarmaður sendir frumvarp til samnings um

greiðslaðlögun á sannanlegan hátt til allra lánardrottna sem þekktir eru og málið varðar. Lánardrottnum skal gefinn þriggja vikna frestur til að taka afstöðu til frumvarpsins frá því að það er sent og skal skýrlega koma fram í frumvarpi hvenær fresturinn er á enda.

□ Umsjónarmaður skal að eigin frumkvæði leitast við að fá samþykki lánardrottna fyrir frumvarpi til samnings um greiðslaðlögun.

□ Hafi lánardrottinn athugasemdir við frumvarpið eða leggist hann gegn því skal hann láta umsjónarmanni í té skriflegan rökstuðning fyrir afstöðu sinni innan frestsins sem hann nýtur til að taka afstöðu til frumvarpsins. Komi ekki á þennan hátt fram upplýsingar sem valdið geta niðurfellingu umleitana til greiðslaðlögunar skal umsjónarmaður leitast við að fá lánardrottin til að endurskoða afstöðu sína, eftir atvikum með því að gera í samráði við skuldara breytingar á frumvarpinu sem skal þá sent öðrum lánardrottnum á nýjan leik. Stjórnvöld, innheimtumaður eða fyrirsvarsmaður stofnunar eða félags í opinberri eigu geta samþykkt frumvarp til samnings um greiðslaðlögun án tillits til ákvæða í öðrum lögum, reglugerðum eða samþykktum hvað varðar aðrar kröfur en sektir.

□ Frumvarp til samnings um greiðslaðlögun telst samþykkt þegar allir lánardrottnar sem málið snertir hafa samþykkt það. Lánardrottinn sem hefur fengið senda tilkynningu í samræmi við 1. mgr. og hefur ekki lýst yfir við umsjónarmann að hann leggist gegn frumvarpinu áður en þriggja vikna fresturinn rann út telst hafa samþykkt það.

□ Ef frumvarp til samnings um greiðslaðlögun telst samþykkt skulu skuldari, umsjónarmaður og umboðsmaður skuldara undirrita það og tekur samningurinn þá þegar gildi. Hann skal þegar í stað sendur öllum þekktum lánardrottnum skuldarans.

**V. kaffi. Undirbúnungur nauðasamningumleitana til greiðslaðlögunar og greiðslaðlögunar fasteignaveðkrafna á íbúðarhúsnæði.**

**■ 18. gr. Ákvörðun um að leita nauðasamnings og greiðslaðlögunar fasteignaveðkrafna.**

□ Nú hefur samningur ekki tekist um greiðslaðlögun eftir ákvæðum IV. kafla, en skuldari hefur lýst yfir við umsjónarmann að hann vilji leita nauðasamnings í því skyni og eftir atvikum greiðslaðlögunar fasteignaveðkrafna á íbúðarhúsnæði. Skal umsjónarmaður þá innan tveggja vikna take rökstudda afstöðu til þess í skriflegri greinargerð hvort hann mæli með því að nauðasamningur eða greiðslaðlögun fasteignaveðkrafna komist á, en áður skal hann gefa skuldarum kost á að endurskoða frumvarp til samnings um greiðslaðlögun íljósi athugasemda sem lánardrottnar gerðu við það. Við mat á því hvort mælt sé með að nauðasamningur eða greiðslaðlögun fasteignaveðkrafna komist á skal umsjónarmaður meðal annars líta til þess hvort nokkuð hafi komið fram sem í öndverðu hefði átt að standa í vegi greiðslaðlögunar, hvort skuldari leiti eftirgjafar umfram það sem eðlilegt megi telja í ljósi fjárhags hans og framtíðarhorfa, hvort skuldari hafi sinnt skyldum sínum skv. 12. gr. og staðið að öðru leyti heiðarlega að verki við umleitanir til greiðslaðlögunar, hvort raunhæft sé að hann muni geta staðið við skuldbindingar sínar að fengið greiðslaðlögun og hvert sé viðhorf þeirra lánardrottna sem látið hafa umleitanir til hennar til sín taka.

□ Mæli umsjónarmaður gegn því að nauðasamningur eða greiðslaðlögun fasteignaveðkrafna komist á skal hann

tilkynna það skuldara tafarlaust. Skuldari getur skotið þeirri ákvörðun til [úrskurðarnefndar velferðarmála]<sup>1)</sup> innan [tveggja vikna]<sup>2)</sup> frá því að ákvörðun var tekin og skal nefndin taka afstöðu til kærunnar innan tveggja vikna. Staðfesti nefndin ákvörðun umsjónarmanns lýkur greiðslaðlögunarumleitunum þá þegar og skal umboðsmaður skuldara tilkynna þekktum lánardrottnum skuldarans um þau málalok. Hrindi [úrskurðarnefndin]<sup>1)</sup> ákvörðun umsjónarmanns skal hann fara svo að sem í 19. og 20. gr. segir.

□ Meðan beðið er ákvörðunar skv. 1. eða 2. mgr. um hvort leitað skuli nauðasamnings og eftir atvikum greiðslaðlögunar fasteignaveðkrafna haldast áhrif greiðslaðlögunarumleitana skv. 11. gr. Sé síðan eftir því leitað skulu þau áhrif standa áfram þar til þeirri málaleitan lýkur.

<sup>1)</sup> L. 85/2015, 13. gr. <sup>2)</sup> L. 135/2010, 7. gr.

#### ■ 19. gr. *Frumvarp til nauðasamnings til greiðslaðlögunar.*

□ Þegar afráðið er að leita nauðasamnings til greiðslaðlögunar skal umsjónarmaður innan tveggja vikna gera frumvarp til sammingsins sem taka skal til annarra krafna á hendur skuldara en þeirra sem tryggðar eru með veði eða annars konar tryggingarréttindum í eignum hans, en í frumvarpinu skal eftirfarandi koma fram:

a. hvað skuldari bjóðist til að greiða af skuldum sínum, sem frumvarpið tekur til, og með hvaða kjörum,

b. hvaða þekktir lánardrottar eigi þessar kröfur og hversu mikil þeir fái í sinn hlut,

c. hvort trygging verði sett fyrir greiðslum og hver hún þá sé.

□ Frumvarp skv. 1. mgr. skal ásamt greinargerð umsjónarmanns og eftir atvikum úrskurði [úrskurðarnefndar velferðarmála]<sup>1)</sup> skv. 18. gr. sent til allra þekktra lánardrottina skuldarans.

□ Um framhald máls fer samkvæmt því sem mælt er fyrir um í X. kafla a laga um gjaldprotaskipti o.fl.

<sup>1)</sup> L. 85/2015, 13. gr.

#### ■ 20. gr. *Frumvarp til greiðslaðlögunar fasteignaveðkrafna á íbúðarhúsnaði.*

□ Þegar afráðið er að leita greiðslaðlögunar fasteignaveðkrafna á íbúðarhúsnaði, hvort sem það er gert samhlíða því að leita nauðasamnings skv. 19. gr. eða án þess, skal umsjónarmaður gera frumvarp til slíkrar greiðslaðlögunar og boða veðhafa innan tveggja vikna til fundar eftir fyrirmælum 5. gr. laga um tímabundna greiðslaðlögun fasteignaveðkrafna á íbúðarhúsnaði. Um framhald máls fer samkvæmt því sem mælt er fyrir um í þeim lögum án þess að dómsúrskurður gangi um heimild til greiðslaðlögunar, en umsjónarmaður sem skipaður hefur verið skv. 9. gr. skal gegna hlutverki umsjónarmanns eftir reglum þeirra laga.

#### VI. kafli. Greiðsla til lánardrottna.

##### ■ 21. gr. *Skipting greiðslna milli lánardrottina.*

□ Greiðslur sem skipað skal milli lánardrottina samkvæmt samningi um greiðslaðlögun skiptast hlutfallslega eftir fjárhæð krafna með eftirfarandi undantekningum:

a. Ef skuldari heldur eftir eignum sem veðkröfur á hendur honum hvíla á skal hann greiða fastar mánaðargreiðslur af þeim veðkröfum, sem eru innan matsverðs eignar, á tímabil greiðslaðlögunar og skal þeim varið til greiðslna krafna eftir ákvæðum 2. mgr. 7. gr. laga nr. 50/2009, um tímabundna greiðslaðlögun fasteignaveðkrafna á íbúðarhúsnaði. Fastar mánaðargreiðslur mega ekki nema lægri fjárhæð en þeiri sem ætla má samkvæmt mati umsjónarmanns

að svari til hæfilegrar leigu á almennum markaði fyrir eignina sem greiðslaðlögun varðar nema sérstakar og tímabundnar ástæður séu fyrir hendi. Við slíkar aðstæður er umsjónarmanni heimilt að ákveða tímabundið lægri mánaðargreiðslu til greiðslu veðkrafna en þó ekki lægri en 60% af hæfilegri leigu. Þessar kröfur falla ekki niður þegar greiðslaðlögun lýkur. Sá hluti veðtryggðra krafna sem er yfir matsverði þeirrar eignar sem stendur til tryggingar skal greiddur samkvæmt greiðslaðlöguninni á sama hátt og óveðtryggðar kröfur. Þegar minna en þrír mánuðir eru til loka tímabils greiðslaðlögunar en áður en það er á enda getur skuldari leitað eftir því að veðbond verði máð af fasteign eftir reglum 12. gr. laga nr. 50/2009, um tímabundna greiðslaðlögun fasteignaveðkrafna á íbúðarhúsnaði, enda sé fullnægt öllum almennum skilyrðum fyrir þeirri aðgerð samkvæmt þeim lögum.

b. Kröfur sem greiðslaðlögun tekur ekki til, sbr. 1. mgr. 3. gr., skulu greiðast að fullu.

□ Efndir kröfu í samræmi við samning um greiðslaðlögun hafa sömu áhrif og ef krafan hefði verið efnd eftir upphaflegu efni sínu.

□ Umboðsmaður skuldara skal sjá til þess í tæka tíð áður en komið er að fyrsta gjalddaga samkvæmt greiðslaðlögun að skuldari komi því til leiðar að fjármálfyrirtæki miðli fyrir hann greiðslum samkvæmt henni.

##### ■ 22. gr. *Umdeildar kröfur.*

□ Ef krafra er umdeild að mati umsjónarmanns skal leggja fjármuni til hliðar til að mæta henni í samræmi við skilmála samnings um greiðslaðlögun. Komi í ljós að skuldara beri að greiða kröfuna fellur hún undir ákvæði samningsins. Ef ekki eru gerðar ráðstafanir, með málshöfðun eða öðrum aðgerðum, til þess að fá skorið úr gildi kröfunnar innan sex mánaða frá því að samningur um greiðslaðlögun komst á skal umboðsmaður skuldara skipta fjármununum milli þeirra lánardrottina sem samningurinn nær til.

##### ■ 23. gr. *Ábyrgðarkröfur.*

□ Ef skuldari er skuldbundinn til að greiða fé samkvæmt ábyrgðaryfirlýsingu sem hann hefur gefið áður en umsókn um greiðslaðlögun var samþykkt, en skylda samkvæmt þeirri yfirlýsingu er enn ekki virk þegar samningur um greiðslaðlögun tekur gildi, skal ekki gert ráð fyrir skuldbindingunni við greiðslaðlögunina. Verði ábyrgðarskuldbinding virk síðar skal farið eftir ákvæðum laga þessara um breytingar á greiðslaðlögun eins og við getur átt. Skuldara ber þó ekki að greiða meira af þeirri skuld sem hann hefur tekið ábyrgð á en nemur því hlutfalli af óveðtryggðum kröfum sem honum ber að greiða samkvæmt greiðslaðlögunni.

#### VII. kafli. Breyting, riftun eða ógilding samnings um greiðslaðlögun.

##### ■ 24. gr. *Breyting á samningi um greiðslaðlögun að kröfu skuldara.*

□ Skuldari getur krafist þess að gerðar verði breytingar á skilmálum samnings um greiðslaðlögun ef á greiðslaðlögunartímabilinu koma upp ófyrirsjánlegar aðstæður sem veikja getu hans til þess að uppfylla skyldur sínar samkvæmt samningnum.

□ Ef skuldara hefur eftir að greiðslaðlögunartímabil hófst verið gert kunnugt um skuld sem stofnaðist áður en umsókn hans um greiðslaðlögun var samþykkt verður skuldin felld undir greiðslaðlögunina. Skal greitt af henni í samræmi við það sem greitt er af samsvarandi kröfum, þó einungis frá

þeim tíma sem krafan var kynnt skuldara. Skuldara er óheimilt að greiða kröfuna utan greiðslaðlögunar.

□ Ekki er unnt að krefjast breytinga á samningi um greiðslaðlögun í samræmi við 1. mgr. fyrr en skuldari hefur fullreyn特 að ná þeim fram með samningum við alla lánardrottina. Náist slíkt samkomulag skal það lagt fyrir umboðsmann skuldara og taka breytingarnar ekki gildi fyrr en umboðsmaður skuldara hefur samþykkt þær. Telji umboðsmaður skuldara breytingarnar ósangjarnar eða óhæfilegar skal hann hafna þeim. Ákvörðun umboðsmanns skuldara þess efnis getur skuldari eða lánardrottnar kært til [úrskurðarnefndar velferðarmála]<sup>1)</sup> innan [tveggja vikna]<sup>2)</sup> frá því að ákvörðun umboðsmanns berst þeim.

<sup>1)</sup> L. 85/2015, 13. gr. <sup>2)</sup> L. 135/2010, 7. gr.

■ **25. gr.** *Breyting, riftun eða ógilding samnings um greiðslaðlögun.*

□ Lánardrottinn, sem greiðslaðlögunin nær til, getur krafist þess að gerðar verði breytingar á greiðslaðlögun ef fjárhagsstaða skuldara batnar umtalsvert á greiðslaðlögunartímabilinu. Hafi fjárhagsstaðan batnað vegna þess að skuldari hefur fengið í hendur háa fjárhæð getur lánardrottinn krafist þess að fínu verði skipt að hluta eða að fullu milli lánardrottna án þess að samningnum um greiðslaðlögun sé breytt að öðru leyti.

□ Lánardrottinn, sem samningur um greiðslaðlögun nær til, getur krafist þess að honum verði rift eða hann ógiltur ef skuldari hefur vanrækt verulega skyldur sínar samkvæmt samningnum.

□ Samningur um greiðslaðlögun fellur sjálfkrafa úr gildi ef skuldari fær heimild til að leita nauðasamnings, bú hans er tekið til gjaldþrotaskipta eða hann fellur frá og dánarbú hans er tekið til skipta án þess að erfingjar taki á sig ábyrgð á skuldbindingum hans.

■ **26. gr.** *Málsmeðferð vegna breytinga, riftunar eða ógildingar á samningi um greiðslaðlögun.*

□ Kröfu um breytingu á samningi um greiðslaðlögun skal beint til umboðsmanns skuldara með skriflegu erindí. Umboðsmaður skuldara sendir aðilum sem málið varðar fram komið erindi og kallar eftir nauðsynlegum upplýsingum. Boðað skal til fundar ef lánardrottinn eða skuldari krefst þess eða umboðsmaður skuldara telur það nauðsynlegt. Umboðsmaður skuldara skal taka ákvörðun um erindið innan mánaðar frá því að krafa berst. Ákvörðun umboðsmanns skuldara getur skuldari eða lánardrottinn kært til [úrskurðarnefndar velferðarmála]<sup>1)</sup> innan [tveggja vikna]<sup>2)</sup> frá því að ákvörðun umboðsmanns berst þeim. Að fengnum úrskurði nefndarinnar er heimilt að höfða einkamál til ógildingar á ákvörðuninni.

□ Kröfu um riftun eða ógildingu samnings um greiðslaðlögun getur lánardrottinn haft uppi fyrir dómi í einkamáli á hendur skuldaranum.

<sup>1)</sup> L. 85/2015, 13. gr. <sup>2)</sup> L. 135/2010, 7. gr.

■ **27. gr.** *Upplýsingaskylda skuldara gagnvart lánardrottnum.*

□ Ef upp koma aðstæður sem veita lánardrottnum rétt til að krefjast breytinga á samningi um greiðslaðlögun, ógildingu hans eða riftun skal skuldari innan eins mánaðar og á tryggan hátt upplýsa lánardrottna um þær aðstæður.

**VIII. kaffi. Ýmis ákvæði.**

■ **28. gr.** *Skráning greiðslaðlögunar o.fl.*

□ [Pegar umboðsmaður skuldara hefur samþykkt umsókn skuldara um greiðslaðlögun skal hann þá þegar óska eftir því að athugasemdir um samþykki á umsókn skuldara um

greiðslaðlögun verði skráð í þinglýsingabækur, eftir því sem við á. Slík skráning ber ekki þinglýsingagjöld.]<sup>1)</sup>

□ Umboðsmaður skuldara skal halda skrá yfir alla sem fengið hafa heimild til að leita greiðslaðlögunar.

□ Þegar greiðslaðlögunartímabil er liðið skulu yfirvöld og eftirlitsaðilar einungis nota upplýsingar um greiðslaðlögun skuldara til að kanna hvort skuldari hafi áður fengið greiðslaðlögun í samræmi við lög þessi.

□ Hafi skuldari fengið að halda eftir veðsettum eignum meðan á greiðslaðlögunartímabili stendur samkvæmt lögum þessum og eignirnar eru skráðar í opinberum skrám skal [umboðsmaður óska eftir skráningu athugasemdar]<sup>1)</sup> um greiðslaðlögunina þar.

<sup>1)</sup> L. 135/2010, 8. gr.

■ **29. gr.** *Yfirlýsing afmáð eftir að greiðslaðlögunartímabili er lokið.*

□ [Pegar greiðslaðlögunartímabili er lokið eða hafi skuldari dregið umsókn sína til baka í samræmi við 5. mgr. 7. gr. skal umboðsmaður skuldara óska eftir aflysingu athugasemdir skv. 1. mgr. 28. gr.]<sup>1)</sup>

<sup>1)</sup> L. 135/2010, 9. gr.

■ **30. gr.** *Greiðsla kostnaðar.*

□ Umboðsmaður skuldara ber kostnað við meðferð umsóknar um greiðslaðlögun og störf umsjónarmanna. Lánardrottnar bera þann kostnað sem á þá fellur af meðferð umsóknar um greiðslaðlögun og framkvæmd hennar. Kostnaður af sölu eignar greiðist af söluandvirkni hennar.

■ **31. gr.** *Kröfur sem hefur ekki verið tilkynnt um.*

□ Kröfur sem urðu til áður en umsókn um greiðslaðlögun var samþykkt og skuldari hefur ekki verið krafinn um á greiðslaðlögunartímabilinu falla niður þegar því lýkur.

■ **32. gr.** *[Kærur til úrskurðarnefndar velferðarmála.*

□ Heimilt er að skjóta ákvörðunum samkvæmt ákvæðum laga þessara til úrskurðarnefndar velferðarmála, sbr. lög um úrskurðarnefnd velferðarmála.]<sup>1)</sup>

<sup>1)</sup> L. 85/2015, 13. gr.

■ **33. gr.** *Áhrif greiðslaðlögunar á rétt skuldara til greiðslna eða aðstoðar frá ríki eða sveitarfélögum.*

□ Sá hluti skulda sem felldur er niður samkvæmt greiðslaðlögun skerðir ekki rétt skuldara til hvers konar greiðslna eða aðstoðar frá ríki eða sveitarfélögum.

■ **34. gr.** *[Reglugerð um greiðslaðlögun einstaklinga.*

□ [Rádherra]<sup>1)</sup> setur að fenginni umsögn umboðsmanns skuldara reglugerð um greiðslaðlögun einstaklinga þar sem m.a. skal kveða á um starfsemi umsjónarmanna og samræmda framkvæmd greiðslaðlögunar.]<sup>2)</sup>

<sup>1)</sup> L. 126/2011, 535. gr. <sup>2)</sup> L. 135/2010, 10. gr.

■ **35. gr.** *Gildistaka.*

□ Lög þessi öðlast gildi 1. ágúst 2010.

■ **36. gr.** *Breytingar á öðrum lögum. . .*

**Ákvæði til bráðabirgða.**

■ **I.**

□ Prátt fyrir gildistöku laga þessara skal ljúka meðferð beiðni um heimild til að leita nauðasamnings til greiðslaðlögunar á grundvelli X. kaffa a laga um gjaldþrotaskipti o.fl., nr. 21/1991, sem lögð hefur verið fyrir héraðsdóm fyrir gildistöku laga þessara, enda falli skuldari ekfrá beiðni sinni. Réttaraðstoð má veita á grundvelli laga nr. 65/1996 til að ljúka meðferð slískrar beiðni.

■ **II.**

□ Frá gildistöku laga þessara til 1. júlí 2011 hefst tímabundin í frestun greiðslna skv. 11. gr. laganna þegar umboðsmaður

hefur móttekið umsókn um greiðsluaðlögun. Frestunin tekur einnig til umsókna sem umboðsmaður hefur móttekið fyrir gildistöku laga þessara.

□ Móttaka umboðsmanns skuldara á umsókn leiðir þó ekki til tímabundinnar frestunar greiðslna ef umsókn umsækjanda um greiðsluaðlögun hefur verið hafnað á síðustu þremur mánuðum.

□ Þegar umboðsmaður skuldara hefur móttekið umsókn skal stofnunin óska eftir því að athugasemd um að umsókn um greiðsluaðlögun hafi borist umboðsmanni verði skráð í þinglýsingabækur, eftir því sem við á, og skal sambærilegar skráningar óskað vegna þeirra umsókna sem borist hafa fyrir gildistöku laga þessara. Umboðsmaður skal jafnframt birta skráningu um tímabundna frestun greiðslna í Lögbirtingablaði.

□ Prátt fyrir ákvæði 3. mgr. 11. gr. laganna nær tímabundið frestun greiðslna samkvæmt ákvæði þessu ekki til krafna sem verða til eftir að frestun greiðslna hefst.

□ Skyldur skuldara við greiðsluaðlögun, sbr. 12. gr. laganna, eiga við þegar umsókn hefur verið móttokin af umboðsmanni skuldara og greiðslum frestað tímabundið í samræmi við ákvæði þetta.

□ Dragi skuldari umsókn sína til baka fellur tímabundin frestun greiðslna skv. 11. gr. laganna þá þegar niður. Ef umboðsmaður skuldara synjar skuldara um heimild til greiðsluaðlögunar fellur tímabundin frestun greiðslna niður þegar kærufrestur skv. 3. mgr. 7. gr. laganna er liðinn. Kæri skuldari synjun umboðsmanns skuldara framlengist tímabundin frest-

un greiðslna þar til niðurstaða [úrskurðarnefndar velferðarmála]<sup>1)</sup> liggar fyrir. Staðfesti [úrskurðarnefnd velferðarmála]<sup>1)</sup> niðurstöðu umboðsmanns skuldara fellur tímabundið frestun greiðslna þá þegar niður. Skal umboðsmaður tilkynna sýslumannni án tafar um niðurfellingu tímabundinnar frestunar greiðslna og óska skráningar á henni í þinglýsingabók. Umboðsmaður skuldara skal jafnframta birta tilkynningu um niðurfellingu í Lögbirtingablaði.

□ Ekki ber að greiða þinglýsingargjald af skráningum í þinglýsingabækur samkvæmt ákvæði þessu.

□ [Á meðan á frestun greiðslna stendur og áður en umsjónarmaður er skipaður í samræmi við 9. gr. skal umboðsmanni skuldara vera heimilt að veita samþykki til ráðstöfunar eigna skuldara. Ráðstöfun eigna skal ekki heimiluð nema hún verði talin til þess fallin að auðvelda skuldara að koma á jafnvægi milli skulda og greiðslugetu. Sala eigna skal eftir því sem við á vera í samræmi við 13. gr. eðlileg til verð skal koma fyrir eignir og sé hagnaður eftir greiðslu áhvílandi veðskulda skal hann varðveittur þannig að hann liggi fyrir óskertur við lok frestunar greiðslna. Prátt fyrir ákvæði 11. gr. skal lánardrottnum sem njóta veðréttar í hinni seldu eign heimilt að taka við greiðslu á kröfum sínum.]<sup>2)</sup>

□ Umboðsmaður skuldara skal tryggja að ráðstöfun eigna sé í samræmi við 8. mgr. og að hagnaður af sölu eigna sé varðveittur á sérstökum vörlureikningi umboðsmanns skuldara á meðan á frestun greiðslna stendur.]<sup>2)</sup>[<sup>3)</sup>

<sup>1)</sup> L. 85/2015, 13. gr. <sup>2)</sup> L. 135/2010, 11. gr. <sup>3)</sup> L. 128/2010, 1. gr.